

光緒山西通志

秩祀略中

略四之二

山西通志第七十三

賜進士出身頭品頂戴兵部侍郎兼都察院右副都御史巡撫山西提督軍務臣張煦等
旨監修

羣祀

山川龍神各祠

按災捍患諸神祠

國朝名臣忠烈各祠 前代聖賢名臣忠烈各祠

福晉宜澤龍王廟在撫院東春秋仲月致祭

通考雍正元年建時應宮於西苑前殿奉四海四瀆龍神

後殿中奉順天佑畿龍神兩旁左右奉十七省龍神後

諭各省督撫奉直省龍神立廟致祀

通禮直省所在山川建立專祠者守土官以時致祭每歲

春秋祭日有司具祝文飭廟戶潔掃祠宇拂拭神案備執

事人具器陳羊一豕一簋簋各二簋豆各十鐘鐃具陳祝

文於案左陳帛一香盤一壺一爵三於案右主祭官朝服

詣祠引贊禮生二人引入拜位前立迺迎神司香自右奉
香盤進主祭官三上香訖引贊贊跪叩興主祭官行三跪
九叩禮興司帛自右跪授帛主祭官受帛拱舉授司帛興
獻於案司爵酌酒實爵自右跪授爵主祭官受爵拱舉授
司爵興獻於正中退司祝跪讀祝引贊贊跪主祭官跪讀
祝畢主祭官行三叩禮興司爵酌酒獻於左又酌酒獻於
右退迺徹饌送神引贊贊跪叩興主祭官行三跪九叩禮
興執事者以祝帛送燎禮畢各退以下各祠
儀節並同

舊通志雍正五年奉

敕建正殿三間中奉山西福晉宜澤王神位神像由

內府塑造虔供廟中每逢朔望巡撫親率同城各屬五鼓
行香凡有所求雨澤薰壇步禱秋成後舉報祀之典

謹案光緒四年六月巡撫曾奏山西省城北嶽風神
龍神城隍各廟禱雨著靈請頒發匾額以答神貺嗣
接奉禮部咨送

御書匾額各一方

三嶼山神祠在屯留縣西北四十五里

縣志廟在山巔宋崇甯二十年賜額靈貺封為顯應侯

元至元十二年重修案廟額皆名護國靈貺王蓋金元間又封王也明洪武庚

戌改號為三嶼山之神敕有司於仲春季夏仲秋祀享

今府以六月六日祭縣以五月朔七月七日祭隔省郡

邑香火絡繹不絕縣西關外有行祠春秋祭銀地丁內支光緒十

三年正月以神靈丕著奏聞奉

旨賜封號日昭顯

蘆芽山神祠在五寨縣南六十里

舊通志由陽曲西北至偏關保德羣山以蘆芽為宗故

尊之曰嶽而立祠焉案志名為蘆嶽神又案蘆芽即管

于山夜中忽有二童子入跪日管岑王使小臣奉謁趙

皇帝獻劍一口置前再拜而去云云雖事涉妖妄而可

勾注山神祠在代州西北四十里

代州志在累頭山又名北斗廟舊志北斗山神祠即句

非紫雁門山西起累頭東訖夏屋一山相連皆古句注

徑也土人以山有七峯似斗故名北斗或稱牛斗又謂

為牛頭也宋仁宗時以禱雨有應封順應侯有王崇極碑記

金元累封佑順公廣佑靈顯王明洪武初改稱山神正

德四年重修邑人孫紹先有記又神行殿在西關外亦

前明所建有司春秋祭於行祠祭銀地丁內支

謹案三峽承太行之中幹蘆芽居管涔之層峯比因

禱雨著靈並荷

御書褒崇錫之封號

光緒初蘆芽封號縣志未詳俟考

而句注為九塞之

首舊列典祀

寰宇記引晉咸寧元年句注碑其有廟蓋最古

恆霍而外同為

晉望故次於前

汾河神廟在太原府西門外亦曰昌甯公廟一在太原縣西

南一在靜樂縣定河村

舊通志汾河神廟在西門外演武堂東明萬厯中巡撫

李景元築壩得臺駘像於晉祠前因建廟奉之萬自約

撰記太原臺駘神廟一名汾水川祠在晉澤內左傳金

天氏有裔子曰昧為元冥師生臺駘能業其官宣汾洮

障大澤以處太原帝用嘉之封諸汾川臺駘蓋汾神也

後人立廟祀之唐河東節度使盧鈞改爲汾水川祠晉
天福中封昌甯公宋封靈威元應公賜額宣濟員外掌
禹錫撰記眞宗祀汾陰命曹利用祭汾河明洪武七年
重修歲五月五日有司致祭又甯武縣甯化鎮昌甯公
廟金張守愚記略云甯化郭西南二十餘里有定河村
村側有小邱左汾堧右谷口高且尋仞廣殆畝餘上有
叢祠古往傳爲臺駘墓主汾神案神祠瀆汾州縣所在
太原臺駘故封也陽曲之祠則春秋修
祀朔望行香於是平在故著之餘從略

靈湫廟在長子縣西五十里發鳩山下祀漳源神

會典歲祭利運福漕漳河神於臨清州利運惠濟漳河神
於館陶縣

長子縣志廟甚古宋治平元年主簿張徵禮重建殿廡

政和元年縣令王大定請於朝賜額靈湫宣和間增建亭榭元皇慶明永樂成化嘉靖年並重修萬厯三十四年縣令崔爾進建行祠俟有泉湧題曰四星池今以三月七月十八日有司致祭

漳河神廟在沁州交口鎮西北一在武鄉縣西門外

漳龍王廟在和順縣東四十里

縣志六月十三日祭

案此為清漳河神其在沁州者為小漳亦曰西漳武鄉之祠則涅水

也而皆與濁漳合故類次之

沁河神廟在沁水縣東南山麓

滹沱河神廟在代州

元和志開元十年并州刺史張說奏置

元至正元年封河神為昭佑靈源侯

案記稱昔人有事於河必先有事於惡池今析代二州及五縣多有祠此其最古者

會典歲祀長源永濟滹沱河神於正定平山二縣

桑乾河神廟在朔州馬邑鄉北十里

會典歲祀安流廣惠永定河神於石景山盧溝橋南下

舊通志廟在洪濟山下俗稱三龍王遼應祿四年修保

大三年燬於兵金天會十三年縣令程舜卿重修元封

其神曰廣濟王洪濟王溥濟王大德三年詔加封廣濟

為協應廣濟王溥濟為孚應獨洪濟所加不傳有龍震

闕庭求封之說志云舊傳元魏公主飲池水生三男次

伏之象暨母子能象與有司歲以二月二日三月十八

龍震求封之說皆不經日致祭明進士焦昇有記

鹽池神廟在安邑縣西邈城

會典雍正六年封河東鹽池神為昭惠阜裕鹽池之神春

秋致祭

舊通志廟在鹽池內唐大厯十二年建中爲鹽池神殿
左爲條山神殿右爲風洞神殿淡泉神在前左日神廟
在東雨神廟在日神廟東晉鹽法道致祭案大厯十三
年韓洸奏解池產瑞鹽請置神祠賜號曰寶應靈慶池
神曰靈慶公張湜撰記貞元十三年修太常博士崔敖
撰記貞元十七年四月知解縣池陸位安邑池韋縱立
池神祠頌碑崔敖撰文宋景德辛丑立成寶公廟高平
范克允記崇甯四年封池神東曰資寶公西曰惠康公
淡泉神曰晉濟公鹽風神曰薦寶侯大觀二年晉池神
爲正鹽風神爲成寶公元加封鹽池神誥解州鹽池靈
慶公可加號福源靈慶公學士王緯撰記元貞三年加

封解州鹽池神惠康王曰廣濟惠康王資寶王曰永澤
資寶王靈慶公曰福源靈慶公明初封爲鹽池之神萬
曆十七年錫廟號曰靈佑祠十九年御史蔣春芳重修
池廟改爲東西池神合祀於中以條山風洞二神左右
配享

國朝雍正五年冬十月以鹽花不種自生多至七百餘萬
勛巡鹽御史碩色疏請加號以旌神功云云

水神廟在介休縣東南

會典乾隆十二年覆準山西介休縣有舊泉三新泉六復
有井泉一建立水神廟令有司春秋致祭

舊通志源神廟在縣東南狐岐山鶯鶯泉上宋至道中

建案卽石柵水也分三河溉田其
石屯村別有灰柳泉上亦建祠

晉源神祠在太原縣晉祠鎮又有水母廟

舊通志宋天聖間建祠於水源之西熙甯中以守臣請

賜號顯靈昭濟聖母廟額曰惠遠洪武四年改稱歲七

月二日致祭

案晉祠本唐叔虞祠廟蓋以祀邑姜者閭百詩書辨之是也

太原縣志同治六年巡撫趙奏請加沛澤二字封號

御書惠洽桐封匾額十三年巡撫鮑奏請並加封右殿水母

御書惠普桐封功資樂利兩額分懸正殿右殿光緒四年巡

撫曾復奏水母一體加封隨加聖母翊化二字並

御書惠流三晉匾額水母廟加敷化二字封號

廣濟龍王廟在五臺山菩薩頂一在北臺上一在大同府城

謹案光緒四年五月菩薩頂廟頒奉

御書匾額六年九月北臺廣濟廟奉

旨加靈護封號又是年六月大同縣龍王廟

敕賜封號曰廣濟

昭惠龍王廟在永濟縣城

敷澤龍神廟在孟縣西十五里

謹案二祠並光緒六年三月巡撫會奏請

敕加封號

誠顯龍神廟在洪洞縣城

滋龍神廟在永濟縣

浮山龍神廟在縣城西街

謹案三祠並光緒十三年巡撫剛奏請頒發

御書匾額洪洞神祠並加誠顯封號

五龍廟一在忻州西溝村一在壽陽縣界口村

州志廟在州西南上佐都光緒六年三月頒奉

御書沾洽時澍匾額敬謹懸掛

壽陽縣祠額同時額

豐鎮龍神廟在廳城東街

廳志乾隆七年建光緒五年三月頒奉

御書匾額恭懸殿中

五龍山神祠在長治縣東南十五里

縣志慕容永據長子時山有五色雪作龍形因立祠祀

之禱雨輒應廟多金元石刻

春秋致祭祭銀地丁內支

龍洞神廟在襄垣縣又黎城隴阜山有洞有祠

縣志唐懿宗時有焦道士得太乙真人法入洞修真以

奉洞神之祀沒而配饗焉晉天福間禱雨獲應宋元歷

封昭澤王袞冕南向如王者儀明洪武初改封龍洞神

歲七月五日有司致祭祭銀地丁內支黎城縣志昭澤焦龍王

廟在縣西北百里隴阜山有洞名昭澤龍洞俗傳神為襄垣人故

襄垣亦祀之

龍王河神廟在永甯州西城上

州志春秋祭又六月六日祭地丁項下歲支祭銀三兩七錢

五龍宮在鳳臺縣西南二里白水濱

縣志唐刺史温璠建碑云遇旱洵取神水甘霖降後鑄

鐵牌一上列年月投池中以答神貺傳為古龍潭內有

宋天聖及金元碑祭銀地丁內支

龍湫白龍祠在陽城縣北三十里

縣志北崦山上有白龍祠環祠萬松森森有龍湫亢旱

不涸為閩邑禱雨祈年之所值仲春數百里外禱者絡

釋不絕春秋致祭
銀地丁內支

陵川龍王廟在縣西四里

縣志有典祀遇旱禱之輒應祭銀地
丁內支

伏牛山龍泉廟在沁州北四十里

舊通志卽嘉澤顯濟王廟也廟旁有龍泉宋元豐六年

河東大旱禱於泉得雨冬又獲瑞雲部使者上其事賜

額靈顯後封侯尋加公政和中錫王號元初宣撫楊惟

中守郡致禱輒應刻石紀靈元統初重修國子司業岳

玉撰記明嘉靖丙辰遣戶部侍郎鄒守致祭萬曆十五

年重修又有龍泉行祠在司馬村有司春秋致祭
祭銀地丁內支

海瀆龍神廟在武鄉縣南

舊通志廟西有八角池宋大觀宣和間屢封昭澤王明

洪武七年改稱今號有司歲祭祭銀地丁內支黎城之龍洞神也案即襄垣潞城遂州武鄉界沁洞宇最多獨武鄉別號海濱又設有祭銀故志之餘從略山在

黑龍潭龍神廟在安邑縣

縣志廟舊建潭旁今移任村春秋致祭祭銀地丁內支

龍子湫祠在隰州南十里

州志宋崇甯二年禱雨有應賜額豐濟大觀四年敕封

順民侯明洪武初改今號祭銀地丁內支

霍泉水神廟在趙城縣東南四十里

縣志一曰明應王廟在霍山之麓即霍水所出又一廟

在儒學東明應之號舊志以為唐時所封今無考祭銀地丁

內支

罕山神祠在榆次縣東罕山嶺元中統二年建

鹿臺山神祠在祁縣東一名潤濟侯廟

文谷神祠在文水縣金縣令耶律忠建

大萬山神祠在嵐縣南元至正二年建

白龍神廟在大萬山下舊名靈源侯廟元至正二十八年修

白龍山神祠在嵐縣西南小萬村

紫金山神祠在興縣南舊名崇應侯廟元至正間建

水神殿在興縣北關通惠泉上

平水神祠在臨汾縣西二十五里舊通志祠在平水上世祀龍神金毛鹿康澤王廟碑

劉淵據平陽時築陶唐城有韓娘得巨卵嬰兒化蛇之異斯蛇尾而泉湧焉資以灌漑西祀之日龍子祠宋熙寧八年封澤民侯額曰敬濟崇寧五年加封靈濟公宣和元年加康澤王有崇天佑二年宋寶元三年政和四年感應碑歲三月三

汾水神祠在臨汾縣東北八里汾河渠上歲三月十月中旬致祭

澤泉神祠在臨汾縣東亢村

卧龍神祠在襄陵縣東南崇山上元延祐三年重修張思敬記至元己亥監縣仲威禱

雨靈應教諭陳敬記二十四年重修劉中記

華池神祠在襄陵縣姑射山南華池谷

焦石嶺龍神祠在襄陵縣西

箕山神祠在洪洞縣西四十里元至正間建

英山神祠在洪洞縣西三十里

清源神祠在浮山縣東南濟廟溝廟前有清池土人名濟水眼金大定二年建

小澗龍王廟在浮山縣北柏村溝一名洪道真君廟宋元時建

龍池神廟在浮山縣浮谷鄉

絳水龍神廟在曲沃縣東南景明村一名九龍神廟南與飛瀑對白石園在其左

清明日用水十一村記之

温泉龍神廟在曲沃縣東北海頭村歲清明日用水

青山神祠在汾西縣青山頂金大定中建元皇慶初重修熙

洪武三年晉重修又有行祠在

縣西門外元至正十五年建

小潺龍神廟在汾西縣東北五里神號淵逸員人康熙

鞏鞏潤龍神廟在汾西縣東十五里十三年以霖雨重建

商山神祠在汾西縣東南六十里舊祀白起縣令周

林山神祠在鄉甯縣西南佛毀之改祀山神

温泉龍神廟在鄉甯縣南山又縣東南二至

羅峪河神祠在鄉甯縣東門外有泉亦祀龍神

壺口龍王廟在吉州西龍王延古名石橋祠又州北門外

隋山神祠在長治縣東南舊名會應王廟歷代崇祀為禱

白龍廟在屯留縣常村鎮宋宣和五年賜額義濟

龍潭神廟在屯留縣北二里宋崇寧二年封惠應侯元至元二年重修

嵐山神祠在黎城縣西二十里廟在山下旁有泉金大定間建

靈源聖井廟在黎城縣東北二十里宋崇寧四年封靈應侯元至元十七年重修明改今稱

又長甯村有行祠

大乘山神祠在黎城縣東南八里

馬跑泉神祠在汾陽縣西白彪山下宋崇寧間榜曰永澤廟宣和元年敕封潤濟侯

知汾陽軍事周焯記明洪武十一年改今稱又一廟在城內北街

文湖神祠在汾陽縣瀟城村隄上有唐令狐楚碑宋崇寧間沒於汾金重修有同知汾

陽軍節度事雷志記明崇禎間重修

中都河神祠在平遙縣城外惠濟橋北

源神廟在平遙縣東南永泉里金大定三年建春秋上巳日祭

趙山神祠在平遙縣東山有井池為禱雨取水處宋宣和元年縣令余彥和狀聞敕賜廟額應潤

侯彥相撰記金大定十二年重建郭明燁記元至元乙酉重修張真撰記大德四年祈雨有應武亮撰記又行祠三一在南門外一在四股村一在東泉村

孝河神廟在孝義縣城南

橫山廟在孝義縣西上吐京村

柏山廟在孝義縣西兌九峪

紫金山神祠在臨縣北六十里前代以旱禱有德封崇慶侯又號浮濟大王一云石勒祠

湫水神祠在臨縣東城樓舊在東關外石隄上後圯於水改建東城下康熙間復圯移祀焉

黑龍神廟在汾屬各州縣汾陽在西關有泉出殿址下永甯在

州治北

丹河五龍廟在高平縣城外志云宋祥符元年五龍見於丹河金皇統初復見故立廟祀之

靈淵王廟在高平縣七佛山下志云唐賜封號禱雨報應

棲龍潭神廟在陽城縣東龜山南又黃龍廟在城南虎頭山又通靈山有黑龍廟

豐水神祠在廣靈縣城外壺山

黃龍山龍祠在廣靈縣西二十里

大同府志火龍王廟在懷仁縣治東南黑龍王廟在

靈邱縣黑龍谷案府屬城鄉祀龍神者所在皆有舉其異者著之

中陵川河神廟在右玉縣西門外月城上

武周川河神廟在左雲縣城西北隅

龍泉山龍祠在左雲縣北三里

楊泉龍神廟在神池縣城北隅

神林山祠在五寨縣

瀾漣池神祠在五寨縣南蘆芽山下

葦山神祠在遼州西三里

舊名昭慈廟明初改稱

千畝靈泉祠在遼州南三十里

唐封通利侯明洪武三年改稱

遼陽山神祠在遼州東南三里

合山泉神祠在和順縣東四十里俗名慈濟聖母廟山下二泉給十餘村四月四日祭

頂山神廟在榆社縣西七十里俗名梓嶽大王廟在紫荆山之半

黑山神祠在榆社縣東二十里

青龍廟在沁源縣東青龍山

南山神廟在武鄉縣東南宋宣和崇甯間累封靈潤公明洪武七年改稱

龍洞白龍神廟在武鄉縣南十里縣東上河村亦有白龍廟又五龍廟在麻池西坪

嘉山黑水廟在平定州城西明顯德二年封嘉潤侯宋至和二年封善應侯崇甯三年封溥

澤侯金大定三年加封崇源洪濟王呂思誠撰記明初重修改稱

至正十二年加封崇源洪濟王呂思誠撰記明初重修改稱

石窰神祠一在平定州西北一在樂平鄉東若井故名遇旱發糶編覆石石門即雨否則風從糞出宋崇甯三年加封號

鎮日豐濟明洪武初改稱獅子巖石洞之神其在樂平縣車寺村山缺者有

潭旁建龍祠
蒲臺神廟在平定州獅子山下州志宋崇甯三年建封靈瞻公金大定間重修元至正間

復修加封昭應靈王呂思誠記歲四月四日有司致祭壁間畫小臣獻昨像世以神為太子申

蒙山神祠在樂平鄉東二十里

象山神祠亦在鄉東

湧泉神祠在壽陽縣西北元至正元年建

紫柏龍神廟在孟縣北十二里

獨擔神祠在忻州西南二十里唐貞觀中命薛貞度採雲母封山神為靈顯王建廟立碑

龍洞神祠在定襄縣東山

聖阜祠在定襄縣東北二十里元大德十一年知州樊天勝重修李治記

巾山神祠在靜樂縣東巾宇山宋宣和中封顯濟侯明改今稱

桃子山神祠在靜樂縣南宋宣和初建崇南間封侯加封昭濟公

四棱山白龍神廟在靜樂縣南又有廟又周洪山

龍灣神祠在五臺縣東北

崞山神祠在崞縣西南三十里宋政和五年建

柏枝山神祠在崞縣西宋時建

保德山神祠在州南三十里

西山龍神廟在夏縣東百餘里

馬首山龍神廟在絳州北

鼓堆泉神廟在絳州北二十里俗名孚惠聖母廟

湫池神祠在絳縣南十五里

帶溪龍神祠在絳縣東三里又縣東十五里有華池龍神祠

清河龍王廟在垣曲縣城南亭清河岸

紫金山神祠在隰州舊稱涇國侯

孔山神祠在大甯縣西南

信北山神祠在永和縣北

雙山神廟在永和縣東南

捕狐山神廟在永和縣東南

液泉神祠在永和縣東城下

志云北齊河清二年有龍躍自泉中立祠

如渾河神廟在豐鎮廳東新城岸

留雲山神祠在豐鎮廳城外

謹案會典山川之神並列壇祀晉省名山若太行管涔雁門中條大川若汾沁二漳漳沱桑乾惟漳河以關漕運滹沱桑乾以有隄工得錫號建祠餘皆不著以已統於直省神祇壇無待言也地乏水利專恃雨澤故民間奉祀龍神最虔歲時祈禱偏及井泉靈境所昭加封賜額自前代已然凡以從民志重農功也茲志羣祀始以福晉龍神次以名山大川次以各州

縣境內山川以錫有封號設有祭銀者爲先餘依縣網類書皆統於壇祀者也龍神不復分別皆統於山川者也

右山川龍神各祠

先醫廟在太原府治北

通禮太醫院景惠殿中奉太昊伏羲氏左炎帝神農氏右黃帝軒轅氏均南向句芒風后東位西向祝融力牧西位東向東廡僦季天師岐伯伯高少師太乙雷公伊尹倉公淳于意華佗皇甫謐巢元方藥王韋慈藏錢乙劉完素李杲皆西向東廡鬼臾區俞跗少俞桐君馬師皇神應王扁鵲張機王叔和抱朴子葛洪真人孫思邈啟元子王冰朱肱張元素朱彥修皆東向以北爲上春冬仲月上甲日祭

舊通志三皇廟今在城隍廟西有司於春秋二季行事而以醫師主之

北極佑聖宮在太原府城凡十一所

通禮歲祀北極佑聖真君於永興之雞公山舊通志真武神也國志云

真武為靖樂王太子入武當修鍊功成白日飛昇奉上帝命鎮北方披髮跣足建皂纛元旗統攝元天之位明太祖於雞鳴山建廟太宗於京城長隅並武當山各重建廟宇兩京每歲春秋京師逢月朔望各遣官致祭

火神廟在太原府西門外

會典每年六月二十三日祀乾隆十八年改用紅色禮神

制帛

旗纛廟附

舊通志軍牙六纛之神諸營胥建霜降日武官詣校場

致祭案會典康熙二十八年定每歲九月初一日祀神又三十六年有旗纛壇敬位壇之祀乾隆三年

定祀神三年一次

城隍廟府州縣並建專祠春秋合祭於神祇壇又獨祀於厲壇

舊通志前代各有封號明洪武三年五月詔定稱本府州縣城隍之神

國朝因之

謹案丁戊大禋各府州縣以禱雨著靈經奏請

敕加封號者蒲州府神號曰廣澤遼州神號曰靈佑永濟

縣神號曰綬靖芮城縣神號曰靈顯嗣十三年巡撫

剛奏請

賜封者甯遠廳神號曰孚惠洪洞縣神號曰宣威

厲壇

通禮直省府州縣歲三月寒食節七月望日十月朔日祭

厲壇於城北郊前期守土官飭有司具香燭公服詣神祇壇以祭厲告本境城隍之位上香跪三叩興退至日所司陳羊三豕三米飯三石尊酒楮帛於祭所設燎鑪於壇南黎明禮生奉請城隍神位入壇設於正中香案一鑪鐙具贊禮生二人引守土官公服詣神位前贊跪守土官跪贊上香守土官三上香贊叩興守土官三叩興退執事者焚楮帛守土官詣燎鑪前祭酒三爵退禮生仍奉城隍神位還神祇壇退

純陽宮在太原府貢院西一在永濟縣南張村

通禮歲祭燮元贊運純陽演正警化孚佑帝君唐進士呂

岩於江蘇清河縣

行禮儀節並同羣祀惟不用牲牢

陽曲縣志純陽宮明萬曆年晉藩建其前後規畫布置

迥異凡工亭洞幽曲至今稱勝地 蒲州府志永樂純陽宮在府南一百二十里南張村唐呂岩故宅也岩仙去後因其宅爲道士觀元中統三年改號純陽宮中有古柏及連理銀杏樹爲岩手植金進士袁從義碑存謹案神於元時封爲演正警化孚佑帝君

國朝嘉慶九年加燮元贊運純陽六字令直省通祀今所在有廟與他道院自別故舉會城之祠類次於此永樂則以桑梓地連及之

金龍四大王廟在太原府南街

通考順治三年以黃河著異封浙人薛緒爲顯佑通濟之神乾隆二十二年加封爲顯佑通濟昭靈效順廣利安民金龍四大王之神後又加惠孚二字通禮祀宿遷縣及濱

河各邑

猛將軍廟府州縣通祀春秋致祭

通禮直省府州縣祀猛將軍劉承忠致祭之禮每歲春秋
所在守土官具祝文香帛羊一豕一尊一爵三陳設祠內

如式質明守土正官一人朝服詣祠行禮儀節並同龍神

案雍正二年始立神祠相傳神元時人能驅除蝗
蝻凡立廟之處多著靈顯嗣是祠宇徧於海內

通考乾隆十年臣工請行蜡祭率

諭旨以大蜡之禮雖詠於詩詳於禮記周官而古制屢遠傳
注參錯難以折衷所謂八蜡配以昆蟲後儒謂其害稼不當
與祭月令祈年於天宗蜡祭也注云日月星辰則所主又非
八神至謂合聚萬物而索饗之其神甚多尤難定位且蜡與
臘冠服各殊有謂臘卽蜡者有謂蜡而後臘者是古制已不

可考終無定衡至於後世自漢臘而不蜡此禮已湮魏晉以
來迄於唐宋時行時止或溺於五行之說甚且天帝人帝及
於龍麟朱鳥多至百九十二座議者以爲失先王之禮遠矣
蘇軾曰迎貓則爲貓之尸迎虎則爲虎之尸近於倡優所爲
是以子貢觀於蜡言一國之人皆若狂以其相沿日久迹類
於戲也蓋祀於南郊已不合於古制而蜡於四郊則惟順成
之方始祭較量區別叢雜瑣細於義有乖於禮未洽於神爲
褻自元明以來停止此典實有難於舉行之處况蜡祭諸神
如先嗇司嗇日月星辰山林川澤今皆祀於各壇廟原於典
文無闕卽民間秋成之後休息農功祀神報賽大抵借蜡之
遺意以盡其閭井歡洽之情猶有吹豳擊鼓之風亦皆聽從
民便未嘗禁止是蜡祭原行於民間但田夫萃處雜以嬉戲

各隨其鄉之風尙初不責以儀文若朝廷議祀潔錫虔享必
嚴肅齊整何至一國若狂之論可知此祭卽古亦閭閻相沿
之舊俗詎可定爲郊廟典禮今社稷壇春秋兩祀祈報之禮
已備至義近於重複事涉於不經者卽下之禮臣亦難定議
因諸臣但泥古制多未深考是以特降是旨俾共知之

謹案八蜡之祀今州縣尙多沿舊制者又里社有好
妨廟蓋卽八蜡之昆蟲或誘爲田子方尤黷誕不經
聖訓煌煌足闢自古儒說之謬祛民生之惑因記猛將軍
祀謹備錄之

狐大夫祠在交城縣北關及陽曲各縣

舊通志祀晉大夫狐突明韓佑碑亭記云神爲卻波故
城人墓在馬鞏山立祠已久唐長史王及善徙山南遺

祠於縣北屢著靈應宋封忠惠利應侯明洪武初止稱
本爵歲中元土人以神誕報賽永樂中加香燭價米三
石六斗陽曲縣祠三一在南關小木橋門外一在牛站
門外一在蕭家營元大德初建 交城縣志光緒四年
晉省大憲以求雨普澤奏請

敕加封靈弼忠惠利應侯遣官詣馬鞏山致祭

陽曲交城地丁項下並留

交祭祀銀兩 案俗傳神司水雷故雁門以北祠宇相
望而太汾二郡亦無縣不祀又蒲縣五鹿山祀五鹿大
夫志以為即 狐大夫也

藏山大夫廟在孟縣北四十里及陽曲縣

孟縣志祀晉卿趙武及韓厥程嬰公孫杵臼遇大旱時

雨多應同治八年奏請

敕封翊化光緒五年加號福佑陽曲縣志趙文子廟在府治

東二月十五日祭

祭銀地
丁丙亥

寶大夫祠在陽曲縣西北烈石谷

舊通志在縣西北四十里祀趙簡子臣寶犇金元間稱英濟侯廟大定二年縣令史純撰感應碑云陽曲縣境有寶城距廟二十里通德鄉卽神之故里元至正中冀甯搭海帖木兒立碑明洪武初改稱晉大夫寶鳴犢之神有司歲以四月五日致祭

案舊志以大夫與英濟列石龍王列爲三廟實則一

祠也縣册光緒四年禱雨著靈巡撫會奏聞

敕加封顯應英濟侯知縣錫良撰記

李衛公廟在潞城縣東北神頭村

縣志祀唐衛國公李靖相傳公駐兵於此後晉高祖初以有陰助封王爵諡曰靈顯見邑人楊義方碑記又有

宋紹聖初邑人張山修廟記元符元年副使呂昇謁廟

記金太和二年進士王陸臣重修記

案元封衛國公李靖制陸德府郡城

縣微子嶺廣德廟靈顯王北破突厥由太原出定襄斯

民歲歲奉祀不意雨暘之所從若響應可特封靈澤王

云云是廟額為廣德而加號為靈澤矣府志既略舊通志以加封在宋宣和亦非光緒初潞民

疊次禱神祠屢獲靈驗經巡撫會奏請加封六年奉

旨加封朔運靈顯靈澤王並頒溢宇騰聲四字匾額

溥佑空王佛廟在介休縣絳山抱腹巖

縣志祀唐釋志超禱雨屢著靈應光緒四年巡撫會奏

請加封頒奉

御書慈雲法雨匾額六年三月奉

旨賜溥佑封號

謹案會典羣祀自先醫而下若真武火神東嶽城隍

只詳京城不及直省而農工商賈相與賽社為例所不禁其祠宇亦徧於邦邑因與捍災救患諸神祠類書至於香火雖盛而不見於會典及見於會典而非祭法所宜者概弗登焉

右救災捍患諸神祠

賢良祠在太原府南齋牆

祀大學士諡文端吳璵大學士諡文端田從典總督諡清端于成龍提督諡恪毅張起雲大學士諡文端祁雋藻通禮直省會城歲春秋仲月祭守土有功德大吏於賢良祠以知府主之教授教諭訓導等官執事祭品用羊一豕一果實五盤帛一尊爵鑪燈具主祭官上香奠帛三獻行禮儀節與祭忠孝節義祠同

舊志惟載本籍人祀京師賢良祠諸人

祝文惟靈文武憲邦公忠體國當

聖朝之肇造心膂攸同值

列聖之不承股肱作輔明良合德奮庸而庶績咸熙中外宣猷敷澤而兆民永賴洵屬廊廟之碩望允宜俎豆以明陞考績紀勳崇報昭垂於令典陳牲奠幣馨香祇薦於歲時尙饗

昭忠祠在各府城各直隸州城

太原府祠二一在三橋子街順治七年建祀已丑死事諸人正廳二十九人巡撫祝世昌冀甯道副使王昌齡冀南道副使劉澤溥甯武兵備道僉事金元祥岢嵐兵備道徐涇潞安府知府楊致祥汾州府知府黃廷柏河東運使鄭宏圖太原府同知張國賢河東運同李因之蒲州知州錢

法裕霍州知州王來觀潞安府推官司九韶臨縣知縣張
耀祖興縣知縣李昌沐繁峙縣知縣崔尙質夏縣知縣劉
之屏垣曲縣知縣李榮宗太谷縣教諭賈道醇忻州州同
馬惟熙布政司都事周邦翰按察司照磨楊其籍助馬路
參將李向堯井坪路參將佟國仕得勝路參將管一舉汾
州游擊劉懋德鎮標都司魯學孔巡捕都司薛應舉守備
董廷儒南廡五人運司知事王存整陽曲縣主簿何顯祖
交城縣典史鄭運昌太谷縣典史王自亮永和縣典史鍾
夢豹北廡五人舊營中軍王廷衡撫標守備李進忠千總
王命新宋國忠把總邱登茂 一在城隍廟內祀嘉慶年
征教匪陣亡諸人襄陽鎮總兵馬瑀漢州知州王嘉猷從
九品王恆蒲州營千總宋良佐把總張得鳳隰州營都司

崔得甯大同營千總李攀龍太原營兵王浩邾全 其通

祀者提督馬莊節公全陽曲人入祀京師昭忠者本籍仍一體同祀或建專祠者聽

北機千總劉芳太原人雲都知縣楊毓藻榆次人福建參

將張凌霞貴州提督牛毅節公天昇四川游擊陳聖矩子

禮孫都司德文並太谷人曲沃訓導胡彭齡千總渠永湜

並祁縣人外委武靜藩武陟秦並交城人慶符知縣武來

兩參將宋清魁並文水人張成功賈太楨並徐溝人建甯

知縣溫光涵四川守備邢天培並清源人

平陽府祠在北街祀癸丑殉難官員平陽知府何維墀同

知郭陞阿通判顏瑩組平陽營參將札克當阿臨汾縣知

縣周春陽平陽府訓導王萬昌經歷王殿魁臨汾縣典史

吳宣稷山縣外委陳魁書院院長多隆阿內附祀有同時殉難趙璧傅煥

宋秉文韓維鎮呂璠朱炳李望宋世以李維祺趙續宗邦
文煥宋瑞王善寶陳步洛陳步棠趙勉王桂王棟張景社
張祺車盛劉秉亨徐永康郭錦朝梁陳儒穆彪郭清元
吉層喜張鈞逢芳杜萬金董朝華劉博清李潤王太王國
選殷燾高林郭斌並臨汾人又
同治丁卯殉難陳夢麟等七人
其通祀者繁時教諭周

遠祚平陽營外委田福增千總趙瑗趙城外委殷鶴齡行
伍寶明喬堅並臨汾人提督銜吳壯愨公秀及子國榮干

總梁德並襄陵人紫陽知縣韓人杰守備劉家鐸劉淵干
總杜德煒並洪洞人東鄉典史楊永錫千總陳墉並浮山

人礪廠千總許富翼城人福建游擊張常經汾西人曲
沃縣專祠祀知縣丁璜教諭魏懸書訓導胡彭齡典史洪

忠連把總秦學魁並癸丑殉難祀仇恩榮弟恩覃子汝
友許涵章許承惠閻春魁劉正桂子體莊李元彥蓋官正
秦子質呂希會仇隴銘析承倫楊炳李段李玉符趙書林

柴積山李天榮李成棟等又丁卯
殉難耿文炳等三百四十六人

蒲州府祠 通祀賀縣知縣王康濟團練荆中璞荆中璜
並臨晉人山陽典史張允重猗氏人

潞安府祠 通祀湖廣遊擊馬之迅長治人朔州訓導崔

近庚從九銜申傳書並潞城人

汾州府祠在汾陽縣治南祀襄陽遊擊賈永吉磁州千總

郝鸞永甯把總郭守芳耐兵丁二十六人汾州營李殿元

承華李善文世貴趙文德原天仁薛林王克楊元賈奇

溫劉可均何源清安營于福增良廣宋繼武任明張振才

石樓營朱英張樂豐太原右營成大坤 其通祀者賈難知

陝西宜君營劉通正真定營郝慶功 縣崔銓滄汾陽人甯羌州吏目馬棋江蘇衛千總侯清彥

並平遙人四川遊擊范懋團練許攀龍並介休人肅州吏

目賀靈壽順甯府經歷李芳齡並永甯人
澤州府祠 通祀興漢鎮總兵張大經鳳臺人沐陽知縣

段上彩陽城人南豐知縣秦克俊陵川人貴溪知縣張聘
廣東遊擊竇明遠並沁水人

大同府祠在大同縣治北祀房縣知縣李承鏞沂州鎮遊

擊杜國慶真定鎮總兵魏麟贈提督任勇烈公舉靈邱營

千總何大明鐵山堡外委謝登高水泉營把總張成靜樂

外委盧榮祖甯武外委李威杜存亮舊祀杜國慶附行伍
十人范銀姜雲鸞劉

錫馬勁龐有倉師舉中文
光康謂元董瑞舉振林其通祀者貴州威甯鎮總兵

王萬邦應州人河南候補知州馮景清遠縣丞程兆柱武

昌守備楊毓林揚州衛千總楊丹桂並渾源人郎襄總兵

穆生輝天鎮人知府銜苗如璋千總王永清都司王珍並

靈邱人大名都司韓國瓚廣靈人廣靈專祠附兵丁黃榮
梁萬軍杜攀桂杜攀榮

又嘉慶中西鄉陣亡
者有白仲儉等四人

朔平府祠 通祀把總楊業泰右玉人朔州千總史國顯
州人把總蒯漢基外委邊瑞總兵李承爵並左雲人外委
安正圖郭恩泰並平魯人

甯武府祠 通祀材官邱登榮江西遊擊楊光祖壽春鎮
遊擊耿貴和把總李清柱外委李興王會並甯武人千總
車定國守備王應選郝懷瑾並偏關人

遼州祠 通祀宜君遊擊郭武棟湖北試用王則典並州
人署白水知縣趙瀚榆社人

沁州祠 通祀曲沃把總秦學魁州人孝豐知縣張明倫
沁源人曲沃教諭魏懸書武鄉人

平定州祠在城隍廟西 通祀都司楊影六品銜白煎外
委董福康儉並州人

陣亡兵丁州梁立金等二人鄉軍成
志等二人孟縣高大敬等十一人壽

陽李士勉 遊擊韓文秀守備李躍洲並樂平鄉人遊擊楊

等三人 曠外委王定國並孟縣人江甯布政使祁文節公宿藻壽

陽人

忻州祠 通祀都司趙猶龍五品銜盧英銳都司史掄錦

遊擊王定同海州同知李士麟垣曲訓導高一元並定襄

人

代州祠 通祀河北守備劉耀德八角堡把總張用章湖

北州判郎汝琦子按經廳桂森沅州都司趙永年貴州鹽

大使郎汝瑀縉雲知縣馮格並州人守備張騰霄五臺人

生員張琳李旦時子生員含玉姪養兆定遠廳同知班逢

揚原武知縣李毓珍賓州知州任秉鈺湖北守備武化遠

並崞縣人陝西都司高如岡廣西都司楊映河守備賀選

齡並繁峙人

保德州祠 通祀肅州同知王有貴州人守備秦奇勇把

總米輔國千總賀文明把總秦奇猷王躍龍並河曲人

解州祠 通祀會甯城巡檢趙鴻儀湖北守備曲春秦並

州人試用縣丞劉濯安邑人涇縣知縣崔琳陳州府知府

鄭廷錦並夏縣人外委劉朝海平陸人同治丁卯七郎寓

尹用森劉天青郭興泰趙明翼臨清張有才王占盛范成

亮賀京祥慶明元王連貞王芝藩王林貞史可興馮存喜

王天學史武盛榜立與劉得法劉得擊李玉安甘肅試用知縣郭襄並芮城人

絳州祠 通祀監生勾琴桂戶部郎中衛如珪有專祠附

中殉難 諸人 團長裴秀通武生李齊白五品銜李錫田並聞喜

人權店把總孫殿元河津人交城把總任思鈞絳縣人風

翔知府王炳勳垣曲人 垣曲專祠祀知縣韓激晏守望

王國寶訓導高一元典史王厚都司劉國治癸丑丁卯兩次殉難邑人

祀

隰州祠未詳

霍州祠 通祀浙江守備晉大忠趙城人四川委用道王

如玉貴州遊擊何道深並靈石人 趙城專祠祀知縣楊

延亮

通禮直省府城歲春秋仲月守土官祭本籍陣亡文武官

及兵丁鄉勇等於昭忠祠文三品武二品以上於京師昭忠祠外其本籍仍一處入

祠致祭 陳設祭品行禮儀飾與賢良祠同

黃太僕祠在汾州府治東

會典祀汾州知府黃廷柏

多羅謙郡王祠在平陽府鼓樓東

府志順治五年王以大將軍招撫未靖駐劄平陽鎮靜

不擾兵民感德建祠以祀王謙幹克達謹爽

費襄壯公祠在歸化城南門外東小巷

歸綏識略康熙中商民為撫遠大將軍費揚古建立生

祠公歿即塑像以祀內耐祀者有都統壯敏公丹津歸

綏道齊布森大學士文清公松筠

四徵君祠在令德書院附

祀陽曲傅山太原閻若璩洪洞范鎬鼎蒲州吳爰光緒十

年建

謹案忠烈專祠者於會典者太僕外不概見生祠例

有明禁諱邸費公以客將存之舊志撫臣專祠有申

公朝紀白公如梅又陽曲生息項下祭祀銀有布政使布哈公之祀祠在藩署西街皆有政績而名宦祠不為設主疑遺之也附存以俟考

右

國朝名臣忠烈各廟

三立祠在晉陽書院

陽曲縣志春秋二仲祭學使主之祀先聖先賢名宦鄉賢為書院肄業諸生立為儀型也舊祀鳳后以下至叔齊十有八人位南向名宦自叔向以下至呂文簡公十有八人位西向鄉賢自董狐以下至薛文清公十有六人位東向高賢小子夏田于方段干本別為位後巡撫吳鈺於名宦中增祀石璞等八人鄉賢中增祀高魏等

七人前後共與祀者七十二人以後陸續增祀至一百二十六人而先師孔子四配十二哲暨宋儒周程張朱亦則設位於其中一體崇祀焉

衛民祠在安邑縣運城

鹽法志舊名忠愛祠明成化十年邑人共建以祀御史王臣繼有衛民及遺愛祠皆以祀御史之有政績者其後將東西兩門外並池上諸祠位並移一祠祀自漢至明名宦三十六位前植二坊迄今霜降日有祭衛民兩之典實卽忠愛祠也

祭銀鹽雜款內支

三忠祠在潞安府城東南隅

府志本二忠祠祀宋知隆德府張確明西平知縣王佐崇禎中增入任環爲三忠鮑奇記

春秋祭銀長治縣地丁內支

四貞祠在長治縣西火鎮

以上並合祠

縣志祀烈婦平氏程氏烈女趙氏袁氏明正德七年奉

敕建

崔銑記 祭銀地 丁內支

姜嫄廟在絳縣南三十里一在聞喜縣平池村

舊通志在絳縣煙莊存雲嶺廟旁有冢金泰和中進士

王藻石刻云昔有伐木得斷碑於土中者字多漫漶而

香火特盛元至正七年縣尉郭道遠重修有記明天順

八年修有司致祭

祭銀地 丁內支

聞喜廟元至元初建後至元

六年重修縣令張敏記

國朝順治九年重修邑人李振壘記

義和廟在稷山縣東北十五里

縣志在中舍村元至正間重修廟後有冢三月望日有

司致祭祭地丁內支

商契廟在榮河縣北志未詳建修年代祭銀地丁內支

皋陶廟在洪洞縣南十五里

舊通志虞士師廟在皋陶村東北元元統三年里人段

卒建明景泰初參政祝顯廟知縣尹繼靈修顯撰記起

城附一十三里自道東有墓西原上有廟字樣事在邑命有司封植其墓正其祠凡地里有傳台廟碑者或之

案今祠高陽村蓋當時所改者舊通志云尚書汝作土廟即止宜稱土土師乃周官也明嘉靖元

年遷按王秀樞知縣孫巨鯨增修韓忠定文僉事李濂

胥撰記並置廟器有司春秋致祭縣志同治三年知縣祭銀地丁內支

艾紹濂重修縣人王軒撰記

伯益廟在太平縣東三十里

縣志古虞官廟在汾水東北社村有伯益墓墓旁建祠

春秋肅祀前明中葉有司以廟隔汾水改建縣治之東

而汾東廟廢頽廢崇禎時縣令魏公韓修復立碑

國朝康熙四十七年重修邑人王奐曾撰記又縣南中黃

村趙雄莊胥有廟案平絳所在有祠俗名伯王廟此其春秋記設有祭銀者

關龍逢廟在安邑縣運城

舊通志表忠祠舊在運城察院左後移院右唐乾元中

張謂書碑陰文春秋致祭祭銀在安邑地丁內支

唐叔虞祠在太原縣西南又翼城縣有祠二所

舊通志即晉祠後晉天福六年封興安王宋太平興國

九年既下河東即加完繕殿前百餘步為三門又二百

步許為景清門門之外東數十步合南北驛路作亭以

庇善利難老二泉與祠下泉分灌民田及沿水碾磨趙

昌言撰碑銘天聖間改封汾東王元至元四年重修弋
穀撰記明改稱曆叔虞之神有司歲以三月二十五日
致祭祭銀地嘉靖中重修見巡撫蘇佑碑副使高汝行
記天啟三年布政使蔡復一重修有記興城縣廟二一
在故城村宋天聖間重修一在葛樹坊天聖六年建
尹吉甫廟在平遙縣城內

舊通志周卿上廟在上東門內相傳周宣王時北伐獵

狁師次邑境築臺講武後沒於此有墓廟建墓西額曰

周太師宋宣和間縣令李說改周卿士廟案詩至於太

太原顧亭林嘗疑之汾州府志本其說駁之尤力然其有祠墓已久矣今設奉祀生以縣中尹氏充

恭世子廟在曲沃縣城內

縣志恭世子廟在下西門內祠後有墓有司春秋致祭

祭集地
丁內支

晉文公廟在絳縣東二十里

舊通志在絳縣下村有墓春秋致祭祭集地丁內支又蒲縣臨

晉猗氏張岳鎮吉州錦屏山並有廟

祁大夫廟在祁縣城外

舊通志祁奚廟二一在郃城村明隆慶間重建一在西

關明知縣張松建春秋致祭地丁內歲支銀二兩七錢

司曠廟在洪洞縣東南二十里

縣志一曰聰聖祠在師村東百步金大定四年建元大

德八年至正二十四年修並有記祭集地丁內支

卜子夏祠在文水縣謁泉山汾陽縣界一在河津縣一在芮

城縣

舊通志在文水縣南五里樂村元延祐中重修又小城
南暨平陶村胥有廟孝義村暨義都胥名河東公祠汾
陽縣祠在北大相里元樊宗英建明一統志云在謁泉
山子夏退老西河有石室後人立祠匾曰卜山書院後
於學宮西偏創立書院仍名卜山春秋仲月上戊日祭
芮城卜子夏祠卽文學書院魏文侯師子夏處河津縣
西北五里辛封村明宏治間僉事胡漢建正德間副使
吳江修文水縣春秋祀設祭品銀地丁
內支河津縣卜氏奉祀生一人

孟子祠在永濟臨晉二縣

晉政輯要永濟縣孟子廟設奉祀生一名臨晉縣城村杜
村新村並有祠又有三徙祠各設奉祀生二名
郭有道祠在介休縣東北三里

縣志北關東路北郭家村有故宅祠舊在墓前祠堂饗堂各三楹明隆慶三年縣令劉旁建祠門一楹廊屋六楹其後縣令史記事重修給守者粟月三斗春秋致祭祭銀地丁

文內

文中子祠在河津縣南三十里又太平鄉甯沁州並有祠

舊通志河津通化村相傳即文中子故里明嘉靖十七

年縣令陳大策建祠

設奉祠生一名

太平縣祠二一在東南三

十里萬玉村元至順四年縣尹郝信臣建一在西門外

明平陽府通判黃鐘建有司春秋致祭讀書洞在黃頰

山鄉甯縣界祀文中子又沁州紫金山下有祠亦傳為

文中子讀書處唐皮口休有記後廢明萬曆三十年州

守俞汝為重建於學宮左

狄梁公祠在太原府學西

舊通志在南關橋口唐制中宗廟以司空梁文惠公狄

仁傑配享天寶六載正月十二日敕宋仁宗時錄裔孫

國寶命以官案狄村為梁公故里舊有祠明知縣彭而

春秋致祭地丁內

崔府君廟在長子縣東門內及沁源縣城

舊通志祀唐長子令崔元靖初在舊城縣治之左蓋去

思祠也宋崇甯五年縣令管城宋氏移建昌平管蒙撰

記元至元十五年修邑人王士綱記明嘉靖萬歷間胥

重葺歲春秋仲月上戊日有司致祭又有李能祠即所

遺攝虎吏孟完也舊志案神唐貞觀七年除邑令多異

於五月五日戒部民無得殺生有朱寶者冒禁射殺一

免吏款就訊謂之曰汝故犯吾令欲陽罰耶陰譴耶朱

度陰道渺遠詭詞願之及夜果見一黃衣吏來勾逮至
公府仰望元靖冕服如王者鞠勸已朱受杖而還時刁
黃山有虎噬人遣吏孟完齋牒往攝之虎銜牒而至數
其罪虎觸階死明皇幸蜀府君紫衣感夢封顯聖護國
嘉應侯後德宗避難忽有白馬前導送至斜橋之谷武
宗封護國感應公宋真宗加封護國真濟王嘗有假其
地儲穀者夜夢神責之沁源縣崔府君廟在南關元至
其人覺即去穀祭謝焉

正間建明正統宏治間胥重葺蔡府君廟在南關元至

秋祭銀故與長子舊祠並記之

裴晉公祠在聞喜縣一在曲沃縣

舊通志唐制憲宗廟配享贈太師裴度會昌六年十月

敕宋五禮新儀祀唐憲宗章武皇帝於華州以中書令

晉公裴度配案聞喜之裴中香山重有祠又曲沃之大李裴氏其後裔也類設奉祀生

韓文公祠在壽陽縣東關外

縣志唐長慶二年二月公奉命宣慰王庭湊軍過壽陽

驛留詩後勅諸石立祠舊在朝陽閣之左明嘉靖丁未

縣令白檀重建閣前有坊表曰唐韓昌黎祠春秋致祭於地丁內

支銀二兩七錢

李晉王祠在代州西七里

州志晉王克用廟在柏林寺左寺後有陵有司春秋歲

祀系銀地丁內支

裴刺史祠在澤州府城西

府志旌忠廟在東關後唐李繼韜攻澤州守將裴約死

之宋政和三年賜後唐死節裨將廟額列於祀典廟有

宋尙書省故牒金刺史許安仁書牒文勒石有司歲以

三月十七日祭系銀風臺縣地丁內支

文潞公祠在介休縣北關一在翼城縣

平陽府志潞公祠在翼城署西南有碑存

案今馬書院名潞公軒公

會知此縣也介休後裔額設奉祀生

司馬温公祠在夏縣城

舊通志郡人祀公於縣學之左自宋迄元垂三百年延

祐六年河東僉事也先不華暨縣令李榮祖重繪神像

國子監祭酒李穉賓記明巡鹽御史郝杲以舊祠隘陋

改祠於縣治東北一祠在城西鳴條岡高堠里墓旁宋

建炎三年六月詔以左僕射贈太師司馬光配享哲宗

廟庭紹興十八年以監登聞鼓徐榘言繪像於景靈宮

之壁今設奉祀生

程明道祠在高平縣學東南一在鳳臺縣學

府志程明道祠在學宮西春秋仲上丁日祭先生嘗令

晉城也高平縣程子祠舊在縣東子城明成化初提學僉事胡謚立正德中改建於儒學東南提學僉事張璠

撰記高平縣地丁下歲支祭銀

郝文忠公祠在陵川縣城

府志在縣南街祀郝經經曾大父嘗建棣華堂後於其

址建祠有司春秋致祭祭銀地丁內支

暴忠烈公祠在潞安府城

長治縣志在東南營祀明刑部尚書暴昭

國朝賜謚忠烈乾隆四十一年與澤州張昺遼州高望同得謚祭銀長治地丁內支

張忠烈公祠在澤州府城

府志在府治北祀忠臣張昺春秋祭銀鳳臺縣地丁內支

薛文清公祠在河津縣城

舊通志舊在縣治南明宏治九年敕建並賜額名嘉靖
五年重修呂柟撰記三十一年又修李承華撰記縣治
大街西有舊宅卽文清講學處宏治戊申參政王盛題
其門曰文清書院有記隆慶初縣令張汝乾拓地增建
案今祠在書院南有某令以弟子間禹錫等四人配享
謝居等十二人從祀蓋以擬孔子也恐非文清所安當
並改爲從祀春秋致
祭祭銀地丁內支

韓忠定公祠在洪洞縣城

縣志忠定公韓文祠舊在縣北賈村之原巡按御史黃
洪昆建萬厯壬寅縣令周永春以廟址西逼汾水改建
城中恆德里故址邑人邢大道撰記春秋祭銀地丁內支

劉文安公祠在襄垣縣城

縣志在儒學前祀明禮部尙書劉龍祭銀地丁內支

張都督祠在祁縣西

縣志在西六支村明嘉靖二十一年參將張世忠力戰

歿建祠祀之百戶張宣張臣耐春秋祭銀地丁內支

高忠節公祠在襄陵縣城

縣志在儒學西祀殉難高邦佐額說奉祀生

曹先生祠在安邑縣運城

鹽法備覽宏運書院為曹于汴講學地故祀之春秋致祭歲支

銀六十兩姓便雜款內給

蔡忠恪公祠在晉陽書院

迺興乾隆四十一年

賜前明甲申殉難諸臣謚山西巡撫蔡懋德謚忠恪甯武總

兵周遇吉謚忠武大同巡撫焦源溥山西撫標副將應時

盛謚忠烈參政田時震謚忠節其通謚節愍者糧道兩剛
中副使毛文炳朱家仕雁平道閻夢夔冀北道鐘希賢朔
州兵備刀之偉大同總兵朱三樂汪登瑞撫標都司張宏
業汾州知府侯君昭蒲州知州樊正邦張樞徵澤州知州
韓洪鼎隰州知州柳芳大同西路通判璩基平陽推官常
克念署陽曲知縣長史范志泰猗氏知縣李樹聲廣靈知
縣阮泰臨汾知縣張質芮城知縣徐芳聲嵐縣知縣井東
星沁水知縣焦釐安邑知縣房之庠山陰知縣李倬通謚
烈愍者布政司趙建極僉事畢拱辰陽和道洪允衡甯武
道王允懋大同副總兵焦埏甯武副總兵曹文耀保德副
總兵柳國鎮大同參將吳希稷甯武遊擊馬振麟甯武關
遊擊高日曉守備猛忠周永康太原府知府孫康周同知

李之清平陽府推官張僕遼州知州李呈章平定知州梁
可棟隰州知州周培忠忻州知州楊宗龍汾陽知縣劉必
達平順知縣徐明揚懷仁知縣楊士英掌理靈邱王府事
朱慎鏤布政司理問陳一韓案諸人有不盡列節
於在官時者俟覈

陽曲縣志乾隆十八年巡撫胡寶瑗闢三立祠東北陳
地構堂庶祀前明殉節巡撫蔡懋德而以同時殉難諸

臣從祀祭銀地
丁內支

周忠武公祠在甯武府城

舊通志康熙三十年建祀前明死難總兵周遇吉暨夫
人劉氏協鎮黃元有記祭銀地
丁內支

謹案前代名臣忠烈祠墓所在多有茲舉其設有祭
銀祭田及奉祀生者類叙於前餘或合祠或專祠並

以年代次及之大概皆已祀入鄉賢名宦忠義各祠者也

三仁祠在潞城縣東北微子嶺

元至元六年七月詔封微子仁靖公箕子仁獻公比干加

封仁獻忠烈公廟舊祀微子以其子比干配享其後神像外畿邑人楊漢卿正其服位有自記

虞芮二君廟在芮城縣西興讓村

唐太中二年鄉人張仁權建元統明正德間晉加

葺焉舊名蒞畔神廟四月八日有司致祭

二賢祠在永濟縣南首陽山

祀伯夷叔齊晉太康間建末崇南元年六月封伯夷為清惠侯

叔齊為仁惠侯元祀於永平封伯夷為昭毅清惠公叔齊崇義仁惠公賜廟額曰聖清明成化初山西僉事胡澹請於朝

命有司歲祀邑人張四種有重建首陽山夷齊廟記

祚德三侯祠在太平縣古晉城

宋建隆初封程嬰成信侯公孫杵臼忠智侯立祠曰祚德

廟元符三年增祀韓厥崇甯三年封韓厥義成侯詳見古蹟考

三賢祠在芮城縣東張村

祀卜子夏田子方段干木明嘉靖萬曆年並重修

三賢祠在河津縣城縣令劉達重修有自記

溫氏先賢祠在祁縣善會村祀晉溫序唐溫大雅彦博大有

兩賢祠在榆次縣治東祀晉荀爽宋文彥博皆為邑令者

二公祠在聞喜縣東門外祀唐裴晉公度宋趙豐公鼎明嘉靖四十年御史吳遇改金塔寺為

之邑人王宗舜記崇禎八年都御史吳桂重修

七賢祠在澤州府體仁書院祀宋五子及呂進伯呂伯恭陳廷敬記案程明道嘗令晉城故

學宮有二程先生祠後止明道像存此七賢亦因明道而推及也

四賢堂在平定州東北城上宋名思武樓金大定中改名湧雲元至元二年改建四賢堂祀

揚雲翼趙秉文元好問李治後升王播呂思誠為六賢又改為崇賢而以明人耿九疇喬宇柳襲孫承祖增祀今仍舊四賢從其

朔也

七狀元祠在陵川縣東祀宋崔有孚金武明甫武天祐武天和趙安時安榮又晉甯路李俊民嘗

避兵於此故名七狀元祠

二段祠在稷山縣平隴村祀金段成已及弟克已明隆慶三年縣令孫信建邑人梁綱記

三賢祠在太原府治東祀明建文忠臣路州暴昭遼州高巍澤州張昂志作浮山暴昭

三功祠在太原府順城門外祀明巡撫萬恭驛傳道郭斗督學道陳瑞皆嘉靖中禦北兵有

全城功者祠舊在城後移南關順城街又移交昌祠中

三忠祠在太原府鎮朔坊南祀明張忠烈銓高忠節邦佐何忠愍廷魁皆殉難者

忠孝祠在汾州府南關祀明都御史辛彥博長清知縣田耕後並祀登州府知府嚴泰

忠義祠在甯武府城外甯文堡祀明總兵李冰守備陳溼建

三立祠在榆社縣學宮內祀明巡撫萬恭知縣康朴縣丞冀孟會典史胡景化後增祀國朝

知縣鄭四維王來舉陳儲賢

三公祠在垣曲縣城祀明巡撫葉琪分巡道劉世忠平陽知府李琮

三夫子祠在平陽府治東北舊晉山書院明嘉靖中知府王楠建祀南昌徐鐸京喬李琮任

邱岡槐區
日親賢堂

金城祠在洪洞縣城崇禎間建祀知縣王詔認爲令時贊城

祠額曰金城報厥功也並以邑神韓廷偉王接晉朝臣韓廷芳劉應時晉應槐于應附祀

楊氏三烈女祠在崞縣西南八十里附以上並合祠

風后廟在解州東及永濟縣風陵渡

祝融廟在遼州南相傳州城祝融氏築廟舊在州北三里明嘉靖中徙建

倉頡廟在臨汾縣城北關

巢父祠在襄陵縣東南荆村巢溪上

蒲衣子廟在蒲縣北蒲子山

董父廟在聞喜縣東倉底村亦名董池廟舊爲女像金天眷中縣令賈葵改正

巫相祠在夏縣東巫咸山山有巫咸廟宋崇甯間禱雨有應

張邦昌定算學詔封商相巫咸河東公山麓有祠久廢明洪武八年縣令閻育建新祠歲清明七月望十月朔祭

傳說廟在平陸縣東聖人澗上唐大曆間縣尉李同肇建元延祐中重修

秦伯廟在平陸縣北吳山上吳山即虞山也虞仲所封

箕子廟在榆社縣東案遼州有箕山問百詩疑為殷之箕國

洞又傳益避禹之子於此則失之遠矣榆社與遼州太谷皆

接壤或即春秋晉箕邑也所祀箕神未知即為箕子否存以

比干廟在永甯州呂梁山九域志石州有比

芮君廟在芮城縣西十五里梁開平初建周顯德較葺有宋

在縣西二十里鄭村即芮伯故城後徙縣西十五里枕崇原

在焉則相傳已久矣舊名

周公廟在襄垣縣北五陰山明一統志相傳周

召公廟在垣曲縣東

郇伯廟在猗氏縣東北

造父廟在趙城縣宋政和三年賜

號曰慶祥廟

樂共叔廟在翼城縣南一在翔皋山上一在灤池前土人名

樂將軍廟唐大曆二年邑令韓昭重修宋大觀四年

羊舌大夫廟在洪洞縣及沁州代州有羊頭村建州

荀息廟在鄉甯縣東柏山上有墓在山巔

宮之奇廟在平陸縣東北辛宮里宋祥符三年建元至正間重修

狐偃廟在徐溝縣內道堡一在永甯州

魏武子廟在翼城縣武子莊

介之推廟在介休縣及萬泉翼城二縣後漢志界休有介山

炎死之山故太原俗有寒食宋史程祖學齋佔畢天禧元年

封汾州介之推廟為深惠侯舊通志介子祠在萬泉縣介山

顯舊傳子推應處有地百餘畝即縣上田翼城介之推廟在

覆釜山下相傳晉文公思之推立廟祀之一名小縣山又平

定州娘子關縣山亦有祠

圖經所謂介山氏之廟也

先軫廟在遼州南夫先軫之廟救春秋仲月上旬致祭

董狐廟在太平縣東荀董村名董良史祠

潞子祠在潞城縣北

卻成子廟在岳陽縣北門內莫氏故城在縣東御缺邑也

程公祠在曲沃縣西龍頭山家語晉賢士程子也

稷陽大夫祠在徐溝縣清源鄉在南關北魏成

趙簡子廟在趙城縣東北

趙襄子廟在太原縣南

尹大夫廟在太原縣西門外忻州定襄有海國濟民侯廟並祀尹錄

晉伯廟在榆次縣麓臺山

伏犧君廟在孟縣東岡又為神山隸北隅並有祠

豫讓廟在趙城縣南國士橋

扁鵲廟在潞城縣西盧山上及平定州鶴山盧山名盧醫扁鵲山名神應王

廟志皆以爲趙國子也
屬鵝山因萬載所在也

段干木祠在芮城縣東張村有唐貞觀元年碑遺墓存又永濟縣南上方段村亦有祠元建

趙武靈王祠在代州紫荆山及定襄縣

廉將軍廟一在鄉甯縣廉山一在稷山縣廉城村

藺相如廟在鳳臺縣北莒山

華陽君廟在長治縣北關魏上黨守馮亭歸趙封華陽君潞人立祠墓前

李將軍廟在代州城一在雁門關一在偏關縣老營堡代州武安

君廬今以牧孫廣
武君李左車配享

淮陰侯廟在靈石縣南高壁嶺今名韓信嶺金明昌中建祠後有墓

紀信廟在趙城縣南上紀略村

蕭相國祠在陽曲縣治東北州縣皆有祠

曹相國廟在臨汾縣城

周勃廟在絳縣

灌嬰廟在平遙縣東嬰溪上

相傳曾駐兵於此前代以濟南有應封利潤侯

樊噲廟在靜樂縣樓煩鎮

臨汾及介休樊王村趙城樊村並有祠

太史公廟在河津縣西

三老祠在壺關縣親賢村

記令狐茂

蘇武廟在右玉縣北

霍光廟在臨汾縣西

馮將軍廟在黎城縣西戚家店

馮奉世故里

鮑先生祠在長子縣

鮑宣

賈復廟在襄陵縣賈朱村

王司徒廟在祁縣修善村

廟東有王允墓又一廟在西關以上漢

周將軍廟在平陸縣北

將軍名倉世傳為縣人

王凌廟在平遙縣東麓堃山前代傳有應封濟侯

劉刺史廟在永寧州西北馬頭山史并州利

斛律光廟在絳州平城唐長慶中進士孫鎮有墓志

韋孝寬廟在稷山縣南玉壁村宋元祐

慕容赤土廟在屯留縣西隋文帝時為金吾將軍因災變

梁令祠在絳州北鼓堆名秋間皇十六年為臨汾令

宋老生廟在霍州北門外以上三

尉遲鄂公廟在朔州馬邑鄉

李英公廟在平定州善存村呂思誠記李英公勦晉并州有

薛萬徹廟在萬泉縣烏李村縣亦有祠

薛仁貴廟在河津縣東

張仁愿廟在懷仁縣

裴文獻公祠在稷山縣祀裴

張睢陽廟在芮城縣城內本傳南陽人相傳遷葬芮城子孫

烈昭濟黑虜盛佑王會典於浮梁丹徒清河

汾陽王廟在汾陽縣小相堡

李抱真廟在長治縣城今潞安府學有董晉

馬北平王廟在臨晉縣南相傳北平王駐師

李西平王廟在芮城縣陌底鎮

陽城祠在夏縣南柳谷口

柳先生祠在解州治南

茹僕射祠在代州崞峪名昇始

康太尉廟在介休縣下莊祀康

崔宏禮廟在汾陽縣汾州刺史

胡證祠在解州關廟西

司空圖祠在虞鄉縣南王官谷以上唐

周德威廟在長治縣城一在沁州

趙相公廟在臨縣南郝家塔晉中書令趙瑩也契丹滅晉從北行沒於幽州後宋將西正屢

有靈應詔封明靈公立廟祀焉

楊將軍廟在代州北鹿蹄澗祀楊業

狄武襄公廟在汾陽縣城

包孝肅祠在太原府南關

富鄭公祠在絳州治

韓太守祠在屯留縣知隆德府韓昭

張忠確公廟在汾陽縣名克戡靖康初汾州刺史死金雞

趙豐公祠在聞喜縣城以上宋

康忠肅公祠在應州治南

金大定二年敕建
祀道國公康公

曹先生祠在應州治西南

元泰定中
進士曹之謙

元遺山祠在忻州北門內

同治中
知州

劉徽柔祠在洪洞縣

會為邑令
有惠政

田先生祠在永濟縣北復安里

名世英
以上金

鄭忠肅公祠在洪洞縣南橋村

祀總管鄭鼎嘗開
汾渠灌洪洞臨汾

武木台廟在臨汾縣

元太宗時嘗駐軍平
陽土人德之立祠

忠襄潁川王祠在太原縣舊城

祀察李帖木兒臨
汾解州並有祠

蒙溪先生祠在襄陵縣東南張纂村

祀教授張著有延
祐四年王惲碑

馬將軍祠在高平縣原村

元處士馬海明嘉
靖間敕封

開平忠武王廟在太原府治東

杜四輔祠在壺關縣林青村

祀四輔
杜叢

楊襲毅公祠在蒲州府北門外祀吏部尚書楊博

王寢毅公祠在蒲州府北街祀兵部尚書王崇古

張文毅公祠在蒲州府南街祀大學士張四維

張恭肅公祠在平陽府城祀尚書張嗣

李尙書祠在沁水縣城祀戶部尚書李嗣子承恩曾孫一鵬從祀

王文端公祠在山陰縣城祀大學士王家屏

張忠烈公祠在沁水縣東關祀張銓

孫忠靖公祠在代州城祀兵部尚書孫侍庭

閻節愍祠在汾西縣城諱生斗保安州知州殉國朝賜諡節愍

畢將軍祠在太原府北門內祀殉節遊擊畢文

宋典史祠在垣曲縣西關祀殉節典史宋宗

李忠烈祠在黎城縣東關祀名義死寇賊

孟烈孝祠在蒲州府北門外附陽凌邵氏

前明名宦專祠之見於舊志者有巡撫魏允貞冀南道王

肇生太原知府于惟一平陽知府王濤同知劉衍祚潞州

知州張萱沁州知州俞汝為臨汾知縣邢雲路襄陵知縣

張國彥蕭大才房莊太平知縣侯于魯張誼介休知縣史

記事甯鄉知縣楊正達高平知縣楊子器榆社知縣朱進

忠杜宇樂平知縣趙評聞喜知縣王象乾平定學正夏廷

器今附著

右前代聖賢名臣忠烈各祠案神德三侯巫咸傳說比于荷王造父介

之推朱軫馮子程公卜子趙氏子趙襄子趙武靈王諸祠已見古蹟此重出附訂